

Vene il signor Chiapin Vitelli vestito d'oro e di veludo con uno sajo, è homo zovene di anni ..., questo fo fiol dil signor Paulo Vitelli, qual li fo tajà la testa per fiorentini, el qual sentato apresso il principe disse esser venuto prima, et suo cuxin missier Vitello fo fio dil signor Camillo è restato a mandar il resto di la compagnia, la qual fin hora dia esser facta e dia esser o Ravena o Zervia, e si provedi di pasazo. *Item*, disse aver auto gran desiderio di esser venuto al soldo di la Signoria nostra. *Item*, li danari per lettera di cambio fo scritto a Roma e Siena si pagaseno par Augustin Visi di Siena ducati 1500 dovea pagar, non à voluto pagarli dicendo il papa non vol li pagi, era con lui Piero di Bibiena. Fo scritto a Chioza mandi le barche.

105 *Di Cao d' Istria, di sier Alvoix Zustinian, podestà et capitano, di 22 april 1510, et ricevuta a dì 27.* Chomè era ritornato missier Bernardin Cargniel inzegner, da Mocho, et ha referito zercha la fortification dil loco come apar per una scrittura qual manda insieme con uno modello, qual mostrerà domino Michiel Brathi citadin de li qual vien per cosse sue particular. *Item*, avisa le cosse dil castello è mal ordinate, zoè le artellarie che doerieno esser ai soy lochi e sono soto letame et le codete una in qua e l'altra in la, et si la Signoria nostra vol far lavorar ditto maestro Bernardin inzegner con 10 mureri è optimo, perchè de li in Cao d' Istria non se ne trova, e questo Marco Bernardin sta a Udene. La calzina se potrà tuor over a Umago dove ne è bona summa di raxon di la Signoria nostra over si farà una calchara a Mocho dove in 15 giorni sarà compiuta e in quel tempo se potrà ruinar le torre e le pietre portarle al lavorier.

106

*Die 22 aprilis 1510.*

Referisco io Bernardin Cargnielo provisionato della illustrissima Signoria di Venesia, havermi conferito al castel di Mocho de ordine et comandamento della magnificentia dil magnifico podestà et capitano de Cavodistria, et diligentemente visto et ben examinato el dito castello, parme per fortification de quello: *Prima* far bassar le doi torre che sono sovra la cisterna, tanto che vegnano esser equale di alteza cum i merli de le mure, et questo perchè tutto questo che si vien a rovinar, mostra ruinar da si per esser debel muro, et essendo roinato per bombarde de inimici le piere de quelle mazzeria li homeni che fosseno dentro a le defese.

*Secundo*, doverse far un bastion che venga a brazar de fuora de li doi revelini sono avanti la ci-

sterna, da un canton a l'altro de quella fazada, et tanto più fuora quanto che per cadaun canton se possi meter una bombardà che vegni a scovar de una banda a l'altra per quanto è longo el castel; et questo bastion vol esser alto in equal con li revelini vechij de alteza, et de pe 7 grosso massizo, et passa 30 per longeza et de alteza passa 3 che vignaria esser passa nonanta: el qual se faza de le piere se trazerà de le torre; et tal bastion se fa da quella fazada per poterse bombardar dito castel *solum* da quella banda per esser tramito da passa circa 30, et de le altre tanto lontan che artellarie non ge puol nuoser.

*Tertio*, che la porta al presente se entra in castello die esser murata, et fata un'altra in la torre che è verso sol leva, perchè dove l'è al presente facilmente la se pol bombardar, et essendo reduta al presente loco non se potrà bombardar et serà più sicura, et una sol persona potrà far difesa contra cento; le calcine per dita fabrica se potrà far apresso il lavorier, et li maistri che farano dito bastion sarano per guardia di dito castel in loco di compagni, et dicti maistri voleno esser diexe et fornirano dito lavorier in mese uno al più.

El bombardier si trova al presente in dito castel, parme insufficiente et totalmente nudo; et in *exempto* de dito exercitio, et tien le artellarie bombarde di dito luogo molto mal in ordine et senza alcuna diligentia, *videlicet* le artellarie, che doveriano esser nei so lochi, se ritrovano soto ledame et le codete una in qua et l'altra in la, talmenle che se achadesse adoperarle avanti se metesseno in conzo se potria incorer in qualche vergogna et dano, et questo medemo dice de le altre monition, la colpa è de questo et de tutti li altri, li qual non doveria atender ad altro cha al governo de quelle.

*Di sier Andrea Zivran, provedidor sora i 107 stratioti, date a San Lorenzo dil Pasnadego, a dì 23 april, a mezo dì.* Come eri vojandose expugnar el loco de Galignana, se aproximono con tutto lo exercito, dato prima ordine de asaltar l'inimici che erano de fora davanti la terra da do parte et fugati piantar le artellarie, et aviatì fono a le poste, sopravene una pioza tanto grande che bagnò i poveri soldati, et durò tanto che perturbò el disegno fato, ma pur havendo intento a piantar le artellarie stetenò in arme ogni uno ai lochi sui fino a bassa hora pur aspetando il tempo bonasaze, et havendo alquanto cessado, li inimici feno cegno de venir a la volta de ditte artellarie, quale tuta via se